


TARIKH : 06 JULAI 2021

PERKARA: SURUHANJAYA PERKHIDMATAN PENDIDIKAN (SPP)

## Hebahan pengambilan khas guru esok

Oleh [Faris Fuad](#) - Julai 6, 2021 @ 10:20pm  
[faris.fuad@bh.com.my](mailto:faris.fuad@bh.com.my)



Pada 20 Jun lalu, Menteri Kanan (Pendidikan) Datuk Dr Radzi Jidin membuat pengumuman berhubung pengambilan Khas guru baru secara one-off membabitkan 18,702 perjawatan bermula 7 Julai 2021. - Foto Ihsan Unit Komunikasi Korporat KPM

KUALA LUMPUR: Hebahan mengenai pengambilan khas Pegawai Perkhidmatan Pendidikan gred DG41 secara 'one-off' pada tahun ini akan dikeluarkan selewat-lewatnya pada jam 5.30 petang esok.

Suruhanjaya Perkhidmatan Pendidikan (SPP) dalam kenyataan hari ini berkata, pengambilan khas itu akan mengutamakan graduan pendidikan lepasan universiti awam, swasta atau luar negara.

"Urusan ini akan diperluas kepada graduan bukan iktisas pendidikan melalui kepelbagaian kaedah pelantikan pada fasa berikutnya jika masih terdapat kekosongan tidak dapat ditampung graduan pendidikan.

"Sehubungan itu, SPP menyarankan calon terbabit supaya bersedia dan sentiasa melayari laman sesawang serta platform media sosial rasmi SPP bagi mendapatkan maklumat terkini berkaitan urusan temu duga pengambilan khas ini," katanya.

## DISYORKAN UNTUK ANDA

- *KPM lantik lebih 18,000 guru baharu*
- *Graduan pendidikan perlu manfaat peluang ditawar KPM*
- *Utamakan graduan mahu 'jadi pendidik' - NUTP*
- *Pengambilan guru baharu: KPM diharap utamakan graduan ISMP, IPG*

Pada 20 Jun lalu, Kementerian Pendidikan (KPM) dilaporkan akan membuat pengambilan khas guru secara 'one-off' bagi mengisi kekosongan guru di seluruh negara terutama di Sabah, Sarawak, Johor dan Selangor.

Menteri Pendidikan, Datuk Dr Radzi Jidin, dipetik berkata ia akan membabitkan pengambilan sejumlah 18,702 Pegawai Perkhidmatan Pendidikan gred DG41.

Iklan pengambilan itu akan disiarkan esok manakala penempatan secara berperingkat bermula pada Oktober nanti.